


七言律詩

五言絕句

七言絕句

樂全集

三十四



樂全堂集卷之三目錄

七言律詩

奉和 聖製

雪後

戊申立春應 製

七月晦有感

和玄洲

奉送尹監司出按嶺南

暮春偶書

雪後率占贈子長

訪鳳洲庄

山房排遣四首

訊海外謫人

次仲淵韻二首

送九畹丈赴京

謾興次芝峯先生韻

春川客中次東坡韻

同正國持國仲淵飲首二

兩齋喜述二首

贈潤上人二首

次仲淵

贈君弼省覲恭安郡

村興四首

舟中口占二首

感吟

客中志苦二首

秋日書懷四首

病中錄奉仲淵兼示別

送許惟善避地關東

村興

辛酉奉親庭歸故里述懷

奉送妯父赴恭安 次君輔韻

迎慰 詔使于碧蹄寄知申事

郊庄即事

酒席贈李通川

送尹白沙按關西

和觀海韻

贈子長

謾吟

觀海次白洲韻索別語二首

自陵下歸家病劇口占一律

次東岳韻三首

病中讀疇翁詩稿

神歌持其師彥機書來謁

宗親府大同宴次建中韻

閑中寄觀海

偶吟二首

謾吟

寄觀海

次觀海韻五首

送咸鏡李觀察

端居即事

觀海示以銀臺唱酬之什次和后圃韻

贈杆城宋使君

送韓知事赴京

記昨遊呈杞翁兼示仲淵

病卧舟中

奉贈李監司按嶺東

栗谷書院感吟

禁直次李子文韻

次東洲

次東洲泛遊西湖韻二首

次東洲韻二首

次東洲園林韻

次金堤使君韻寄壺山太守

題許惟善亭子

樂樂亭書事

贈子時

池閣偶吟

和石室山人遊青平山錄二首

贈珪暹

舟中寄觀海

次觀海韻題把湖亭

玩松樓口呼

題元化洞

萬景臺得子時什率易次韻

曹溪船潭用觀海韻示松月禪師

滯雨駟館用子時休字韻

重陽帶雨海山亭寫懷二首

懷汝萬

送金永吉伯厚赴燕京 三首

乞暇養病準許謝 恩口呼

亂後登蒼然亭尚有子時題什感述

次南坡韻

贈僧冲信

俊均自金剛來訪

到沙斤院感書

過禿城有感

次韓士英韻

凌虛閣待月

贈洪陽使君

感懷

次辟上韻

書懷

雪後

山居書事八首

自新居暮歸



移居二首

新居

斗窩

次東州韻

贈江陵金使君之任

李正壽席口占

寄人

感秋

泛舟

次韻却寄許措大二首

早春泛上游懷舊

德淵新屋成

次樂天韻

重陽獨坐青白堂書懷走寄東州

水北翁期會不至寄贈

遣聊二首

雨中寄汝萬

汝萬有約不至

疊前韻酬南坡相三首

次東州韻二首

上鳳林大君

早春遣興三首

閑居謾興三首

許生家醉題

呈鳳林大君

日光山軸奉教作

次天章韻謝枉訪

箭串橋上遲諸公不至馬上口呼

徐清風來訪詩以謝

枕上口占寄天章兄弟

次直夫韻二首

謝閔石城來訪

贈別呂襄陽之任

寄畸翁

送林東野宰南原

達城尉輓

贈李察訪赴祥雲驛

卷之四

五言絕句

閑居雜詠三首

江行

感述

崔國輔體

日夕

效崔國輔四時詞

客中

偶占

江行雜詠七首

橫城道中

江村三首

題盆梅

春日飲北洞二首

擬古怨詞十首

修名不立老至何遽李子時八首

水雲亭三首

望海寺

黔庄松臺醉呼

江上逢畸翁

蒼然亭八詠

感興

書扇頭貽克甫

庚辰立春醉吟二首

曹秀民宋時擘載酒來別書兩子扇頭二首

祇送東宮陪祀泉到蕩春臺

次汾西韻

七槐亭送汝萬赴居山驛贈紙衣

書座上扇頭

時雨亭八詠

寄杞翁

病中述懷八首

乘薰窩戲作

七言絕句

奉和 聖製二首

禁直曉起

至日賦得二首

口呼

即事

午眠

雨夕

病眼謾吟

閑吟

病懷

志感

重陽

宮詞十首

出塞曲

塞下曲

滯春城送明再還始興

夜飲城南

秋夜

贈別再明

幽居

送春

戲賦

夜坐

題鑑上人軸

孔巖待船

黔庄雜詠

村庄曉思

夜吟

贈箕城小尹許若虛

陶齋用枝字韻疊謝

全州作

閑情二首

贈僧

贈通上人四首

題龜川郊亭

題易安亭

近臘日與天章道章飲

從疇翁所見飛字漫有拙效二首

和觀海二首

次韻遣聊

綾原亭子

即景寄盍歸堂

夜雨醉吟

贈宋寫官赴京

七月九日別疇翁于鷺津回後有感

牛川打魚

晚春偶吟二首

送韓亨甫宰呂州

與諸學士飲南宮

寄南坡二首

贈性淨



杞泉宅賦得

寄羅夢賚

寄語用拙以替言面

次清陰清平錄韻三首

贈金陵使君

雪後二首

次清陰韻

次韻

金化東軒次清陰韻

狗峴贈擔輿僧無一

湖上金氏草堂用申公齋韻

原城逢梁營將信容

賦得山海遊歷會心處十絕

寒食有感

廣陵舟中

丁丑至月二日

携景曷二兒出城渡廣津口占

二首



詠隨身八物

次曷韻

與建中舟中別

次曷韻

與楓岳人雙乞伴宿

次靈悟軸韻

東子容

德淵舟中

書汝萬扇頭

戲呈杞泉

錄奉疇翁

宿陽川客舍

酬汝萬

次天章韻二首

廣陵舟中逢聽琴亭主人和九峯詩二首

次李一相韻

謝朴尚之寄訊

贈李襄陽六首

次金道源扇頭韻

隋城路口占

贈德隆上人

伊山館次思菴韻

怡老堂夜酌

渡江口呼

舟入斗津

偶吟

悼松臺主人崔忠一首

宿水鍾歸路觀鷹

曉坐口呼

夜吟

天章席上和韻

舟下廣陵望京城

見月次湯站清陰韻

謾吟

偶吟

感吟

樂全堂集卷之三

詩

七言律

奉和

聖製

壬寅命諸駙馬

宣廟出和進

御製

七言律

賜集

天上高明日月輝

御筵陪侍得瞻依  
群工身沐生

成澤


聖主心通造化機  
環珮聲隨公仗入  
觚稜長

見彩雲飛忽蒙

宸翰恩榮重  
浹骨沈酣永不違

雪後

搖落高齋酒復清  
擁爐孤酌轉關情  
玄經幾向窓前讀  
寶劍常於匣裡鳴  
城上浮雲垂氣色  
林間朔吹動



寒聲南枝何處雪中發欲向西湖訪玉英

戊申立春應製

玄鑰飛灰出洞房和風助律肇三陽天開壽域春光  
轉人祝南箕 聖美長百草芳心猶帶雪千林嫩色  
欲舒黃禁中切幸逢佳節頌德唐虞樂未央

七月晦有感

秋入長安病骨清柴門搖落罷將迎眠過半壁昏昏  
累坐聽空林葉葉聲末路生涯無好况少時行樂轉  
關情年來頗得禪觀力便覺寰區寵辱輕

和玄洲

擾擾人寰萬丈塵支離空役百年身持杯謾欲酬佳  
節檢曆還驚過小春印鐸青烟隨篆皺暈庭殘雪鬪  
梅新三冬閉戶唯高卧名是浮榮懶是真

奉送尹監司

出按嶺南

黃麻開府荷恩偏正是邦圻入奏年方岳祗今雄左  
海山河從古壯南天風收鯨浪烟塵息春靜轅門士  
率眠異日璽書徵漢績使星光切上台邊

暮春偶書

閒庭寂寂絕塵纖鶯轉清陰燕入簾滿地落花風自  
掃盈房頽袂手頻拈塊交半日醉眠重送盡一春愁

恨添欲寫幽懷徒脉脉憑欄空對翠山尖

雪後率占贈子長

泥慵晚起坐寒簷正對南山白玉尖凍竹葉交聽浙  
浙小梅枝亞影纖纖兒童但喜歲時近病客空驚年  
齒添洗鼎只宜烹臘酒破除愁緒滿杯斟

訪鳳洲庄

匹馬來敲在澗堂堂前雲物接微茫長冰截壑迷虛  
白斷靄拖林擁晚蒼海闊雪潮鳴野港天晴鳧鴈滿  
漁梁平居理釣消閑事柳岸東頭繫小航

山房排遣

全家移住松楸下，井陌蕭條邑里虛。茅屋日寒新結  
構，海鄉秋盡正羈縻。人生到此知榮辱，世事如今任  
卷舒。萬慮攪懷眠不足，隴頭風葉韻村墟。

其二

野服行行村逕間，暮投山寺坐蒲團。跏趺乍定知三  
戒，色相俱空了四端。近水雲烟籠小閣，滿天星斗傍  
危欄。虛明自是真如體，秋磬中宵一倍寒。

其三

獨酌深盃醉減愁，小齋寒日坐幽幽。謀生短拙關心  
少，閱世崎嶇定力優。京洛舊遊門盡閉，江湖烟艇日

常浮從今養靜衡茅下一室面書且自求

其四

歌懷搖落動哀騷秋盡禪房病骨消地近海門風浙  
浙夢驚霜信夜迢迢窮閭歲月悲羈滯末路行藏任  
寂寥祇有寒花對籬菊旅情愁絕髮蕭蕭

訊海外謫人

日南遷客問如何歸夢迢迢歲又過窮海別離稀信  
使隔年懷抱足悲歌醺人腥霧蒸陰瘴退鷁驚潮涌  
晚波兩地相思無限恨停雲漠漠涕懸河

次仲淵城西新宅成有作韻



南郭之西西郭間  
飡霞居士守三關  
新排院落搏壘  
靜舊業  
畫書日月閑  
人似連城誰定價  
詩如大雅孰  
容刑  
踈慵似我同  
葭倚樊口  
樵漁效次山

其二

畫書千軸自餘饒  
浮世何關髻有貂  
半夜壑舟元是  
妄昆明劫火幾經燒  
寒消幽磴花枝亞  
暖入芳園鳥  
語嬌會待清明共  
燕賞一尊須許過山腰

送九畹丈赴京

皇家禮樂軼殷周  
聘使還須棟勝流  
千載聲明開萬  
曆下邦圭幣  
越中秋彤墀  
祝美聯鷓序  
紫極騰權敞

玉樓惆悵此生蛙在井送行詩罷祗堪愁

謾興奉次芝峯先生韻

跡遍山顛與水濱可堪蓬累百年身  
謳吟半雜巴人調醒醉常關麴米春  
茅屋數間容穩睡箇書千軸足  
頤神戴勝已下蘼蕪綠望裡桑麻處處新

春川客中次東坡韻

長嶺周遭隔漢京十年憔悴旅游情  
吳儂楚傖甘同俗郢曲巴音孰辨聲  
得雨移秧千畝闢乘流回棹一江平  
數間草屋還長夏唯有青山入眼明  
同正國持國仲淵君美飲夜罷仲淵以一律示

諸益持國仲淵互相酬報率命僕立促不復研

究祗見其致耳

正國張也

柳橋相送踏春泥醉後高吟意自悽小閣杯盤餘燭  
跋九街更漏散霜蹄江潭久擬開新社城市何須戀  
故棲榮辱平生吾已倦強論齊物物難齊

其二

不踏長安街上泥閉門離索色悽悽腰間紫氣蟠雄  
劍捲下追風竭駿蹄已把時名還造化欲携真訣入  
冥樓元精直會昆侖頂仔看黃庭玉蕊齊

兩霄喜述用霖字韻

昨夜涼風捲薄陰  
今朝萬里霽陰霖  
俄開積氣分高下  
倏見流形辨瀆岑  
雲外孤鷗催急景  
天邊落木易傷心  
偷閑會待秋山淨  
與爾同行祇樹林

其二

霽後長安閣晚陰  
九街塵淨過秋霖  
涼風半入宮中樹  
薄霧徐開郭外岑  
萬事悲歡餘白髮  
十年榮辱尚丹心  
南荒北塞隨恩譴  
男子何須戀故林

贈洞上人

鸞鉤獨上象頭峯  
昊溱蒼蒼望不窮  
山走兩京皆拱北  
潮通瀛海盡傾東  
沖融元氣無何外  
橐籥三光太

極中塵世蜉蝣者滅沒一聲長嘯倚晴空

其二

暫脫塵緣到上方薰爐經卷傍禪床僧如枯木忘言  
久鳥學魚山弄舌長空影即從潭水定齊心肯逐谷  
雲忙曹溪一勺千山月分照須彌遍寶坊

次仲淵

三十龍鍾白髮生世間離恨最關情一年花事渾蕭  
索四序光陰遍晦明驅馬自憐從畏道曳裾那得入  
巖城時時且作勻天夢髣髴螭頭雉尾橫

贈君弼省覲泰安郡

長沙一望接鯨波，欲挽征驂落日斜。  
病裡孤懷還作惡，客中殘臘已無多。  
庭前苦竹冬抽笋，官閣寒梅早著花。  
此去趨庭真樂事，當筵且莫唱離歌。

村興

凍雲垂野夕寒生，門巷蕭然亂雀鳴。  
羸病祇憑茶火暖，詩魂剝帶臘梅清。  
時名落落身將老，世事茫茫日易傾。  
床上瑤琴閑不鼓，天機那得有虧成。

其二

絕澗泠泠細有聲，暗穿苔壁入池清。  
一間草閣依荒磴，兩岸花枝壓水檣。  
古寺晝閑尋定釋，長林春盡聽

流鶯山村永日無相問隨處題詩咏物情

其三

麥隴平分一徑微深深林磳盡芳菲桃花水暖魚兒  
出楊柳風輕燕子飛杖屨有時臨絕壑烟霞終日鎖  
閑扉年來不索長安米野外行歌去採薇

其四

微拳纔握手堪折隴水已通田可耕瓮裡濁醪時醉  
醒琴中數闋幾虧成蒔荷更檢栽花訣曬藥仍看本  
草經千載襟期誰與會古來唯有一淵明

舟中口占

石門相對突崔嵬，穩送江流十里回。  
半世行藏長作客，百年天地此登臺。  
自加平起然平臨大野雄風起，  
徙倚危峯返照來。欲洗胸中無限恨，  
解裝浮白故徘徊。

其二

東來天險自重關，三岳撐空霄漢間。  
東峽奔流疑地坼，懸崖危棧斷人攀。  
商帆每趁斜陽入，旅鴈長隨暮靄還。  
畏道十年經歷盡，祇今無復少時顏。

感吟

歸卧長安一病深，天機世事自相侵。  
簾前可愛黃梅



雨牀上空拋綠綺琴西去王師無日返東來殺氣幾  
時沈平生未泯終軍志猶仗臨危報主心

客中志苦

村居無事堪長卧草閣匡床也自寬小澗泠泠虛籟  
發群山矗矗翠光蟠一盂麥飯聊充腹數尾溪魚剩  
在盤隨分生涯甘澹泊芙蓉芳躅憶清寒

其二

僦屋荒涼草棘間昭陽形勝不曾看江山盡入愁中  
咏歲月空催客裡顏京洛舊遊書斷絕鄉村父老語  
團圞塵寰萬事渾如幻軒冕浮榮夢亦寒

秋  
日書懷

客懷搖落又重陽  
峽裡丹楓已著霜  
入饒溪魚三寸  
白繞籬叢菊數枝  
黃光陰鼎鼎催遲暮  
髮髮蕭蕭自老蒼  
京洛舊遊如夢寐  
祇今回首半凋傷

其二

高秋風色轉淒涼  
萬葉飄零昨夜霜  
久客不堪聽朔鴈  
沈酣徒自挹寒香  
天涯旅况渾蕭瑟  
日下音塵隔渺茫  
一卧荒村無外事  
歌吟羸得滿行裝

其三

朋游零落景堪悲  
正憶秋山送葬時  
浮世即今非舊

日窮途何處有新知風塵滿眼君先化霜雪渾頭我自癡千載峨洋誰得會大招聊復續哀詞

晉安新喪將葬病不起

其四

半生流落客西東塵世浮榮一夢空當日君臣那在眼百年忠義欲捐躬荒村鷄酒重陽會草木風霜落照中鍛翽已無飛動意暮年蕭瑟為誰雄

病中錄奉仲淵兼示白洲

去矣年華不可當佳辰又是屆端陽粟留入夏聲聲緩芍藥翻風色色香病後形骸渾懶慢愁邊髮髮自

滄浪雀羅門館無人問苔巷寥寥白日長

送許惟善避地關東

竭來觀妄了諸緣此日臨歧獨惘然  
落落朋知千里外悠悠離合一尊前  
時危把酒空看劍歲暮停雲欲斷絃  
兩地參商俱契闊大關高插海東堧

村興

秋深蕙帳白雲低林澗泠泠絕壑西  
螢火乍從虛牖度候蟲還自近牀啼  
閑愁錯莫詩中物衰髮鬢影鏡裡齊  
屈指重陽知不遠濁醪村社宰黃鷄

辛酉奉親庭歸故里述懷

身世萍蓬但任天 聖恩猶許再歸田  
池臺嘯傲還今日 杖屨優游勝昔年  
幽澗有聲知急雨 青山無恙帶寒烟  
黃花赤葉重陽會 千載猶堪畫裡傳  
重陽設酌會鄉勝集類

奉送村父赴恭安

茅茨新構大江湄 杖屨扶携度歲時  
桑梓宛如陶令宅 風流不讓習家池  
百年計活成真樂 五馬驅馳是不期  
試向海門看一髮 白華山色碧參差

次君輔韻

隴柳初凋澗葉殷 蕭條秋意滿柴關  
江雲趁雨全埋

樂在堂集卷三  
壑海日沈烟半隱山烏几夢酣塵事斷丹爐火伏道  
心陶庭前長物猶清致病鶴脩然立淺灣

乙丑以迎慰 詔使大監王敏政胡良輔于碧

蹄賦寄知申事金清陰

鳳城霞色欲含暉官路塵清四牡駢野服十年江海  
迹輕犀今日使華衣白雲出岫深深見黃鳥穿林兩  
兩飛好是明朝迎 帝詔雨餘風景轉光輝

郊庄即事

遙岑送碧野圍黃十里湖光入望長艤子迎潮收密  
網鴈翎隨日下空梁首回天地渾蕭瑟眼挾雲烟接

混茫暫出郊扉清致之一竿吾欲老江鄉

酒席次韻贈李通川

并男

山圍白玉海堆銀  
公郡樓臺別有春  
紫洞烟霞時自引  
碧空笙鶴日相親  
一麾如子堪稱宰  
千載何人謾候神  
我亦明年入楓岳  
定誰為主更為賓

送尹白沙按關西兼體察八路

箕壤千年器設雄  
八區歸轄命何隆  
山河襟帶天驕窟  
社稷安危國士風  
畫室秋嚴符檄下  
轅門晝靜笑談中  
防胡要在便民策  
先數營平第一功

和觀海韻

高林風掣似崩湍七月虛堂滿意寒  
點水螢光看易  
閃辭巢燕子住還難  
尊前不惜髮拖白鏡裡  
渾驚臉  
失丹垂老人間知己在少時交誼保金蘭

贈子長

三角峯巒望眼中招提正在普賢東  
影沈飛走千林  
凍響絕調刀萬壑空堆枕每驚僧磬早  
看書仍借佛  
燈紅抱病未遂連床約攻破愁城酒策功

謾吟

斷盡交游更廢詩由來吾道在無為  
紛紛世上從他  
幻耿耿胸中祇自竒竹雨數竿驚颯爽  
荷珠十斛瀉



漣漪蘆茵木榻堪高卧睡美居然到葛藁

觀海次白洲韻索別語時觀海拜完山尹不克  
赴

一麾南去渺難從官樹清陰晚更濃乍脫宮衣行露  
冕遠辭螭陛按雷封漢朝湯沐稱豐沛江右閭閻盡  
鼎鍾方識君恩無內外暫將才地化蛇龍

其二

一年花事覓無從病裡離愁更覺濃宿醉未醒前夜  
酒新題却認小詩封悠悠聚散同萍梗鼎鼎光陰自  
漏鍾四月南鄉曾作客檀梅結子籜成龍

自陵下歸家病尤劇口占一律錄示張司寇朴  
都尉李少宰鄭樂鄉

歸來一室類禪房身似維摩病在床聚散本來如夢  
幻死生那得謾悲傷薰消古篆烟猶裊茶試新泉味  
自香契活從今甘淡泊餘年欲占水雲鄉

次東嶽韻

支離一病負佳辰懶廢將迎榻自塵欲制頽齡無大  
藥何妨清世作陳人時名落落終歸幻酒興陶陶却  
是真醉裡揮毫殊不惡郵筒莫厭和來頻

其二

笑來春事近花辰游騎翩翩紫陌塵老境已無飛動  
意新年仍作病吟人杯尊滿眼愁還廢農圃關心語  
益真會待身閑黃犢健荷鋤垂網出郊頻

其三

懶廢巾簪卧到辰蕭然齋舫靜無塵林中且聽鳴春  
鳥門外時停問字人形役百年渾是妄身閑一日即  
為真平生唯有逋詩債每把蠻箋覓句頻

病中讀鄭畸翁詩稿

池堂清晝枕烏皮卧看畸翁幾首詩句法縱橫多撥  
悶風謠淒切亦傷時平生骯髒還如許末路趨營豈

樂全堂集卷三  
十一  
適宜垂老交情吾與爾傳筒博醉未為痴

神歌持其師彥機書來謁

僧自金剛筭一庵衲衣猶帶衆香嵐十年祇喫青松  
葉半夜長齋繡佛龕禪解已從知冷暖道機唯在辨  
酸甘莫言垂老淪塵白居士前身是釋曇

宗親府大同宴次建中韻

永安尉  
共柱元

公李根蟠雨露邊華簪簇簇翠裾聯熙朝盛事還今  
日曠世榮光即此筵燈燭夜闌星斗煥綺羅春暖笑  
歌傳薰風吹過笙簫沸却笑金吾徹曉眠

閑中寄觀海

柴衡終歲養沈疴，觸事關心謾自哦。  
物色可堪花落去，門庭更絕客來過。  
翻風竹影當窓直，經雨苔痕上  
塢多。小院窸窣烏几隱，披襟一卧任頭科。

偶吟

風雨冥冥獨倚樓，生涯牢落儘如浮。  
百年天地空垂老，一望關河迥作愁。  
病後故人誰命駕，亂來吾道欲  
乘桴。堪嗤當日聞鷄舞，萬事塵寰不可求。

其二

六月池堂卧自高，將迎那復倦塵勞。  
書從東閣何曾了，琴亦無絃不可操。  
當檻松篁憐晚翠，隔林風雨似

狂濤牢愁正起湖居興新漲和烟沒幾篙

謾吟

少日抽辭擬兩都詞壇元不數黃蘇浮生已老蠶登  
箔壯志徒存馬戀途潦倒人皆輕季子風塵誰復識  
夷吾紛紛兒輩刀錐競倚醉悲歌問市屠

寄觀海

瑤琴為伴睡為鄉別院秋清篆縷長間疾更無浮世  
累春容忽枉故人章高情肯許兒曹識微感偏驚歲  
律忙象外丹霞明石室空教芝桂鎖幽芳

次觀海韻

繕性何曾慕大還  
閉門猶自占長閑  
將身已托沈冥裡  
處世休論季孟間  
夢想每牽溟岳路  
游蹤慣狎鷺鷗  
班中秋快躡毗盧頂  
眼底層巒幾點斑

其二

無往何須問有還  
散人唯得葆真閑  
詩能惱子吟哦裡  
酒或牽吾醉醒間  
冠掛欲尋遺世士  
首回遙望侍臣班  
荷衣一入山門去  
已報秋霜著處斑

其三

千群虜騎渡江還  
畫室秋清虎旅閑  
自是雄謨元倬倬  
休將小智謾間間  
即看白面堪威敵  
穩抱玄經懶

鬪班樗散祗今須藥物試茶波皺滿甌斑

其四

休信西來說八還單瓢顏巷百年陶氣機動息從三  
籟品物榮枯自兩間大道未能醫末俗踈蹤堪笑玷  
通班平生文墨徒為爾誰許當時見一斑

其五

鎮日郵筒往復還吾儕事業亦陶陶亂來行橐書千  
軸老去生涯屋數間學究先天唯是邵文稱前漢不  
論班如君才力真堪羨驥即過都虎即斑

送咸鏡李觀察

漢



清朝賜履揀才全八擁干旄寵數偏鄉月每違天北  
極使星重傍磧南堧轅門晚闢牙旗建畫室秋嚴虎  
柝傳但令金湯鎖鑰壯勲名早晚勒燕然

端居即事

和后圃

尹頎之

韻

端居幽事頗相關庭際栽花尋丈間老蘚細連侵逕  
草嫩嵐虛映隔簾山抽書看去渾和睡覓句吟來未  
覺閑堪恨人生不如物暮雲歸壑鳥知還

觀海示以銀臺唱酬之什次韻奉白洲雙溪兩

詞伯

詩公接跡侍彤宮畫省聯裾樂事融彩筆題時吟臘

雪黃封開處醉春風新年物色才回律邊塞烟塵已  
覺空方信太平還尙象擬將耕釣老淮東

贈杆城宋使君

熙業

數行珍重使君書忽枉幽人寂寞居沽得南街一壺  
酒斫來東海八條魚遊蹤歷歷迷湖曲魂夢時時到  
淨廬遙想遨頭吟醉興官池夜雨聽芙蓉

送韓知事

汝

赴京

南風渤海片帆懸一瞬登萊海若先岱嶽橫維齊魯  
地河隍危拓犬羊天春葺花市縣遊騎日繞龍鱗會  
列公老我平生蛙在井羨君遐舉五雲邊

記昨遊呈杞翁兼示仲淵

湖遊宜雨復宜晴分日東西扣柁行  
蕭寺亂蟬千樹合海門斜照晚潮生  
吟邊已覺潛魚竦風外誰教短  
遂橫暇日清歡聊可續百年塵夢儘堪驚

病卧舟中

扁舟載得病吟身盡日牽繩溯廣津  
漢北峯文烟外落華陽草色雨中新  
沙灘送響偏堪懼鷗鷺忘機轉  
可親髻髮風塵無意緒百年徒羨耦耕人

奉贈李監司

顯英

按嶺東

菱蕤玉節下璿霄紫氣闌門鬱不消  
高劈芙蓉光的

的全開溟漲碧迢迢臨軒日月生  
衣袖隨處烟霞傍  
使輶辜負百年遐舉志謾將鵬鷃付逍遙

栗谷書院感吟

十尺穹碑一畝宮徘徊顧慕此庭中  
當時灑落君臣契百代雍容俎豆風  
精爽返空星控北榮華無迹水  
傾東杜陵千載英雄淚虎逝龍亡感慨同

禁直次李子文韻

禁垣環列象鉤陳雪後宮城物色新  
清夜團欒須酒興一時分直摠詩人  
年華無那催殘臘梅糝應知占  
早春白首栖遲饒感慨箇中吟咏莫辭頻

次東州

百年身世縛塵纏  
垂老關門坐嘯長  
誰把果曰叅釋氏  
還將梁夢付純陽  
寒聞北垞蕭蕭響  
晚泛東籬采采香  
秋畫上方諸品靜  
月中敲磬借禪床

次東州泛遊西湖韻

聯鑣出郭正銷愁  
更有澄江一葉舟  
自是偷閑尋小隱  
非關乘興辦清遊  
樽前吟嘯俱青眼  
世上光陰易白頭  
伯仲如今難浪跡  
似吾桴鼓合歸休

其二

幾年湖海賦窮愁  
老去生涯具小舟  
興到祗堪誇羽

化陶來亦自有天遊孤雲臺迥牛河口丹釋庵臨斗  
峽頭小築經營千載後暮途身計在恩休

次東州韻

淋顏書帙篆銷薰一卧寥寥搜夕曛北砌繁花當檻  
見西池急雨隔簾聞差池玄燕嬌無懶杳靄青山晚  
不分丈室維摩遺四大任教門外自囂紛

其二

藥欄春晚幾經耘百種葱菁一味薰細水浮花連夜  
雨高林拖綺宿簷雲生涯淡泊偏耽釋愁緒續紛謾  
著文袞袞天機人自老疴寒時復倚微醺

次東州園林韻

把玩浮生謾自傷  
眼中紅綠劇韶光  
苔紋過雨全鋪碧  
松粉迎風乍墮黃  
鶯懶祗堪聞暗擲  
林喧時復送微香  
衰慵一味唯高枕  
咫尺園臯日就荒

次金堤鄭使君畸翁韻寄壺山趙太守

昌遠

淮翁曾記使君堂  
畸老新題壓小塘  
湖外幸同聯姓字  
樽前那得共書床  
披香拄笏迎朝爽  
對月鳴琴卜夜良  
魯政久知千古最  
祗今殊蹟在南鄉

題許惟善亭子

曾向江頭賦卜居  
故開新徑理荒墟  
玲瓏小閣畫窗

出隱約青山吟眺餘雪棹夜回安道宅春風時引邵  
雍車寰中形役真堪笑象外輪君占靜虛

樂樂亭書事

携琴徙倚曲欄西江外雲山入望低一帶平沙連古  
渡半庭脩竹傍幽蹊清游已覺心無累宿醉還教夢  
亦迷岸樹參差江日暮流鶯恰恰盡情啼

贈子時

飲水行色不曾遲關外年年送別時况值西門飛羽  
檄敢言東節有瓜期一時才器元無敵千里驅馳豈  
足辭聞道陳公天下望指揮談笑見雄姿



池閣偶吟

槐柳陰濃覆小簷  
沈霾盡日潤書籤  
生香不斷亭亭碧  
絕艷還疑朵朵炎  
滿沼蛙聲從閣咽  
隔簾雨氣送廉纖  
象床水簟渾陶物  
睡味唯宜到黑甜

和石室山人遊清平山錄金尚憲

五載春城去又來  
去來長倚此高臺  
百川風雨披蓑過  
九月波濤傍石回  
村酒幾沾愁裡飲  
詩吟偏向客中裁  
祗今歷歷曾遊地  
滿眼江山媿不才

右超然臺

曾於戊午雨中過此得一句云兩岸鶯蟬千對合百川風雨一江昏

九日一旬云九月寒風吹急瀟  
一年秋色在高臺二三及之

昭陽江上最高樓三月烟花汗漫游遺蹟祇今傳息  
老名區終古數春州穿雲遠岫供詩料過雨平蕪  
客愁檻外漁村堪畫處夕陽籬落菴沙頭

右昭陽亭

贈珪暹

一棹飄然溯漢流小村烟雨謾淹留求詩衲子還青  
眼抱病維摩已白頭秋水正逢鴻鴈候草堂新壓鷺  
鷗洲憑渠寄語臺山老禪縛何須念趙州

舟中寄觀海

天末涼風動白蘋扁舟來泛斗璣津甘從楚澤還初

服却望旌麾即故人向老不堪千里別把杯無那百  
年身淮中一宿差強意雲盡長空月半輪

次觀海韻題挹湖亭

醴泉鄭時  
亭溪堂

崢嶸危構傍巖臬不羨三山戴六鰲秋霽洞天澄氣  
色夜深江檻落波濤抽身物表名俱隱回首人間照  
漫勞一曲清商調自古天南遙望少微高

玩松樓口呼

寺樓南畔八窓開盡日登臨爽氣來地絕衆山秋色  
厲江連裨海晚潮迴周遭粉堞晴堪畫五百雄圖跡  
已灰物色蒼茫成悵望數聲天際斷鴻哀

題元化洞

第一蓬萊元化洞洞天品題今幾年詩公已化鶴隨  
去草聖猶傳巢亦懸瓊宙琪花秋色裡白雲紅樹醉  
吟邊清都舊伴知何處鸞馭迢迢路隔千

萬景臺得子時什率易次韻

斜暉西下水東流晚倚南臺長獨遊塵土百年驚短  
夢蓬壺萬里入冥搜山中約伴期還失橋畔携僧笑  
却休明發四公亭下路綵霞高擁鳳麟洲

曹溪船潭用觀海韻示松月禪師 應祥

錦石紅楓蘸碧流秋光渾似慰羈遊興日佳境身忘

倦詩到難言字益搜半日談禪逢蘖老百年塵土笑  
裴休靈區欲試飛昇術却躡丹梯望十洲

滯寓駟館用子時休字韻

窮秋風雨壑爭流咫尺新溪不許遊羈緒豈堪淹道  
路山靈應是忌探搜年華晚晚吟何苦身計差池悵  
未休聞道此間饒福地結廬還欲傍長洲

重陽滯雨海山亭寫懷

九月九日風雨惡高城北客淹留娟娟翠竹自寒  
色渺渺清江還濁流自極京華消息斷夢回蕭寺友  
朋遊東行奇絕真堪詫雲樹猶懸兩地愁

子時道章  
入山阻雨

未回

其二

夜雨冥冥江水生  
奔波駭浪客心驚  
野航橫岸人何在  
官樹含風葉盡鳴  
歲晚乾坤吾白髮  
天寒山海此孤城  
錦屏九疊渾遮障  
羸得羈愁賦遠征

懷汝萬

西來消息之憂虞  
遠引深藏計不迂  
一任移家分散地  
却憐濱海寄孤棲  
鹵中炎瘴雲俱黑  
浦口蘆村路更紆  
滿目風塵兄弟隔  
白頭吟望只長吁

送金承旨伯厚赴燕京

三首丙子六月

玉節煌煌發漢陽  
沮江西望海茫茫  
清颿穩送蛟龍窟  
黃道欣瞻日月光  
萬歲嵩呼天北極  
五更燈燭殿中央  
如君行色真堪羨  
墮地蓬桑志四方

其二

神宗皇帝東征日  
屬國封疆再造時  
從古出師寧有此  
祗今遺老未忘斯  
治吳策在空嘗膽  
蹈海心存漫作悲  
侯度百年星拱北  
須將忠悃達天墀

其三

潛谷茅茨溪水湄  
濁醪麤飯共襟期  
當時浪跡俱萍梗  
此日歧途各鬢絲  
溯漢星槎依北極  
擁關氛祲暗

東陸行裝垂老心猶壯賦海觀周幾首詩

聞授摠管再疏乞解且乞優暇養病蒙 恩準

許遂詣 闕謝 恩告歸有作

身名何幸脫籠樊報 主初心矢莫護社稷祗堪供

涕淚行裝贏得返丘園秋江過雨魚龍蟄古峽埋雲

日月昏千載瑤徽有餘韻白頭空賦感君恩

亂後登蒼然亭尚有子時題什感述

亂後來登江上臺草堂依舊在巖隈群山一望蒼蒼  
合二水同流滾滾迴塵壁尚懸崔顥句世人誰惜謫  
公才清秋酒賦還如夢獨倚孤松不舉杯



次南坡韻

洞門初霽雨絲飛  
檻外嵐光接翠微  
幽境漸知諸品  
靜清澗不計一塵依  
尋常閉戶容耽睡  
早晚封章擬  
乞歸已卜餘生老  
立壑蘿衣端合換朝衣

贈僧冲信

高僧當世說南能  
弟子傳經大小乘  
幻跡遍尋千佛  
界禪觀每點五更燈  
湖天近臘梅先放  
海寺經冬雪未凝  
老去生涯同定釋  
病中歸思轉難勝

後均自金剛來訪詩以贈之

多師一歲一參尋  
况是山中雪正深  
白芝遠來珍重

意青眸相對短長吟真僧幻跡穹碑迥  
公客游蹤健筆森世難未成重赴約  
夢魂長繞鶴臺陰

到沙斤院憶甲子扈從舊事感書

重經此路却含情最是蒼黃扈  
聖行草草軍容湖左陣冥冥風雨漢南旌  
長郊月黑春泥滑廢院林荒鬼火明  
當日朝廷猶自整祗今人事更堪驚

過禿城有感

赤縣關防此最雄譙樓隱隱倚晴空  
先朝籌畫干戈後萬古山河指顧中  
曉色欲分雲似海秋聲忽厲鴈嘶風  
休言病客低垂甚腰下吳鉤氣吐虹

次韓士英韻

休沐恩波憇小丘  
客中逢著即詩流  
湯泉短碣荒苔澁  
湖甸群山晚靄浮  
落鴈拖烟斜作字  
平沙帶澗曲如鉤  
清秋物色渾疑畫  
輪與文通彩筆收

凌虛閣待月

欲看湖月十分滿  
簾捲高樓景上頭  
點綴微雲還作劇  
徘徊清夜迥生愁  
風塵不到靈真界  
衰病猶堪汗漫遊  
磊砢胸中萬端思  
斗間龍氣正橫秋

贈洪陽使君

因應亨

龍門山挾兩江流  
江北江南各一丘  
亂後生涯餘小

築秋來歸興在扁舟浮名自笑同軒鶴舊約何曾負  
渚鷗江閣竹房俱淨地待君投綬辦清遊

感懷

黃頭揆柁泝沅沅江鳥差池落暮雲俎豆千秋慕老  
宅勲名百代蓋城墳斯文墜地渾多感令子當門迥  
不群欲哭南寧阡草宿心香一瓣可堪焚

次璧上韻

山分月岳接忠州水割丹丘達漢流物外來遊還病  
客人間清絕此高樓沙灘送瀨渾消夏巖竇生風凜  
似秋虛閣夢回魂骨爽一眉新月曲欄頭

書懷

斷送人間五十春  
向來榮辱跡俱陳  
三更燈火千山雪  
半壁書一榻塵  
服食可能供老病  
按摩還擬養精神  
君恩倘許歸田里  
從此乾坤自在身

雪後

雪後山家靜  
掩扉土鑪新  
試茗烟霏盤中宿  
味嘗偏  
美床上陳  
編者却稀  
供稅村砧風外響  
叩冰漁火夜深歸  
從來頡滑全消  
歌不必參禪  
自息機

山居書事八首

短髮千梳掛象簪  
幅巾衣帶著來深  
七篇魯論如膽

聖一部義經欲洗心靜處漸知前日累幽居不受外  
塵侵平生習氣差難盡雪月風花漫費吟

其二  
五十之年白盡頭餘生端合此歸休新經大亂偏多  
懼欲占長閑強遣愁採藥却尋消雪地愛山還構近  
江樓春來不復栽他木數尺雙松傍澗流

其三

數畝田園堪送老幾年朝市久勞生身閑獨擅湖山  
勝世亂方知俗物輕拍水沙鷗隨隊戲擺塵野鶴近  
人行紛紛成敗都歸幻千古英雄盡強名

其四

巖花未吐柳條新  
歸卧山門第一春  
負郭田無八九頃  
向江村有兩三隣  
焚香清晝仍開卦  
閉戶經旬不見人  
回首舊遊如隔世  
舫齋寥落絕纖塵

其五

野服黃冠白髮翁  
華簪曾亦廁諸公  
半生榮辱身全老  
暮世歸休道未窮  
小塢栽松春尚午  
陰厓斲藥雪初融  
澄澄內景天光見  
祇在朝晡進火中

其六

城市山林世界分  
蕭然齋閣小鑪熏  
金壇峯峻春留

雪藍烏潭深夜起雲亂後身名宜短拙靜中心事絕  
紛紛床頭亦無閑書卷陸氏茶經種樹文

其七

思量前事却懷慚歸卧田家似佛庵矮木枕邊唯藥  
物素屏風下只書龕山多楮拙床偏煖地貴魚鹽味  
絕甘終日跣趺無語坐居然摩詰定中參

其八

寂寂深室坐幽幽咫尺東臯懶出遊杖屨偶隨流水  
去巖臺剝被白雲留烟沈釜浦高低樹風送牛江次  
茅舟一雨田家春事足驅兒還欲易西疇



自新居暮歸

春盡江郊欲暮天  
渚青沙白望悠然  
踈籬已插宜瓜地  
荒畝新開種秫田  
海燕含泥花似雪  
鵲鳩呼雨柳如綿  
玄亭寂寞山當戶  
門外誰停載酒船

移居

軒窓高壓二江潯  
松枯葱青密作林  
老去真成棄鹿伴  
閑來消盡市朝心  
歸舟帶雨孤帆仄  
落照含雲半嶺陰  
一卧窮村無起色  
何如綠野任浮沈

其二

野色蒼蒼壑勢圍  
渚烟汀樹晚依依  
携僧每伴溪雲

出罷釣仍隨夕鳥歸  
芳草細侵桃竹枝  
暗藤偏礙薜蘿衣  
紅塵回首千重隔  
只是青山興不違

新居

亂後移家闢少村  
臨溪新搆背林園  
石田硯确非盤谷  
身世優閑似鹿門  
兩岸鶯蟬千樹合  
百川風雨一江昏  
燒香清坐忘言久  
苔巷還無屐齒痕

斗窩

月溪之下斗湄傍  
數間茅屋臨方塘  
老人携書坐白石  
童子叩柅歌滄浪  
流雲渡水滿平壑  
幽鳥隔林啼夕陽  
紅稀綠暗覺春晚  
唯有山僧來乞章

次東州韻

觀海道入出塞遠斗窩居士閉門深經年懷抱中宵  
月兩地音書一片心東晉風流元自古南朝羅敬不  
如今老臣進退憂難盡千載唯思梁甫吟

贈江陵金使君

尚  
之任

臨瀛館裡老遨頭作吏猶能領十洲丹井雲開松嶠  
月海門波靜鏡湖秋應憐塵世蜉蝣寄不羨神公汗  
漫遊淮上亦成新活計斗窩南畔繫漁舟

李正壽席口占

厚基

六六籌為第一春稱觴爭獻漆園椿華筵上客新都

憲彩服兒郎兩侍臣  
南極壽星還氣色  
北堂涼月更精神  
孤生永感悲風木  
不忍長謠祝頌辰

寄人

騎馬携僧漢水隈  
停舟把袂好懷開  
湖光帶日涵鷗夢  
山色和烟映客杯  
懶漫非關遺世志  
艱危應仗濟時才  
歸來獨對東籬菊  
不是悲秋意自哀

感秋

峽中秋色畫窗開  
世外年華九日回  
繞屋青山樵唱晚  
隔江紅樹賈帆來  
淵明籬下凌霜菊  
杜甫詩中濁酒杯  
白首歸來驚歲暮  
傷心無意上高臺

泛舟

避賞翛然出釣磯  
西風一葦疾如飛  
天長日淡秋陰早  
江闊沙寒鴈影稀  
谷口全埋黃葉徑  
林端還掩白雲扉  
佳辰更道重陽近  
隨意行歌醉夕暉

次韻却寄許措大

廷爽

回首東華萬丈埃  
雨餘三選長莓苔  
畫滿壁從吾懶  
雲物當蒼豈爾猜  
載酒幸逢佳客至  
曳纜還帶夕陽迴  
秋江蟹紫開新釀  
淺渚鳴榔日往來

其二

小窩如斗屏氛埃  
曲沼通原漾綠苔  
經卷薰鑪聊自

適野花啼鳥不曾猜天機誰識為魚樂幻境還從化  
蝶迴莫歎此翁休致晚淵明五十始歸來

早春泛上游懷舊

過洪元老  
鄭德餘宅

物外行裝莫問程芙蓉城下片帆輕半湖初旭收霞  
影幾樹春風帶鳥聲世事無端離亂日交期不盡死  
生情山川歷歷俱陳迹墟落蒼茫逝水傾

德淵新屋成

停舟卜築拓荒丘一卧茅簷隻影孤老去行裝隨鶴  
鶴病餘詩句滿江湖東西大野分前後十二名山看  
有無笑到百年嗟過半箇中消得幾清壺

次樂天韻

何論坎止與行流，偶脫樊籠即壑丘。  
世事關心雙白髮，去來隨意一虛舟。  
梧桐葉墮愁中月，蟋蟀聲連病裡秋。  
聞說上游存晚計，許君分占滾西頭。

重陽獨坐青白堂書懷遠寄東州

愁緒逢辰鬱不開，江山蕭瑟獨登臺。  
參差鴻影冥冥度，淅瀝秋濤袞袞來。  
夢裡故人千里遠，天涯新什七歌哀。  
停雲漠漠瑤徽闕，折得黃花當酒盃。

水北翁牧西原，期會於青白堂自淮中赴期數日不至遂閉戶病吟四律充別語

金光炫

扶病鞭羸為赴期暮雲殘雪大江湄  
關門却喜極心穩徑日寧嫌候客遲  
身老時危難會面天機人事謾支頤  
孤燈自照深更度洗滌胸襟有酒卮

遣聊

非關抗志出塵泥只為衰遲一壑棲  
棊散竹林鄰客去日斜村巷野禽啼  
苔磯雨過堪垂釣春澗冰消可濯畦  
大道未成成小隱杖藜無復遶山蹊

其二

魯連天下堪稱士梅福江東幻作公  
簪笏半生酬宿債扮榆一壑送餘年  
植梅落盡猶疑雪江柳拖輕欲



吐烟男子世間唯快意聲名何用後來傳

雨中寄汝萬

芳潤霏微漾綠池小山烟景晚參差  
檀梅額破黃生暈岸柳腰輕碧弄姿  
病裡幾成春草夢吟邊空賦鶴鷄詩  
天時縱勝還愁思不覺林扉白日移

汝萬有約不至

曾有携妻省墓期殺鷄為黍幾多時  
看雲清晝迷江浦扶杖黃昏望路歧  
堪笑端居終疢寞還知好事却參差  
病中咫尺身難致錯莫空成夢草詩

疊前韻酬南坡相

崩湍浙漚繞籬傍剝水朝來泛野塘竹網收腥鷺潑  
潑槽床注碧聽浪浪卦從嘉遯觀群動化轉陰機圻  
二陽村飴一盂炊麥好茅簷晚飽誦豳章

其二

柳堤松塢綠成圍豈畝菰田亦可依塵網半生贏得  
老鷗盟十載薄言歸簾前乳燕還辭壘池上流螢已  
點衣隨分向來眠與食箇中料理百無違

其三

百年粉社此江尋窈窕幽居對石林白傅池臺存晚  
計興公詞賦遂初心平郊雨過諸溪響深樹雲來一

壑陰謾把禪機清不寐短簷疎箔半輪沈

次東州韻

經緯無端帝杼催蛩音蟬響認秋回白堂側畔三山  
出綠野前頭一鏡開萬里天空瞻落日千年地僻倚  
高臺江關蕭瑟還詞賦觸物傷時意自哀

其二

盤渦急峽隔秦城田圃漁樵此合并自是殘生耽寐  
寔非關盛際厭華榮山樓欲雨先通霽澗樹將秋已  
有聲早作晚休無箇事向來心地十分清

上

鳳林大君

養病江郊迹混漁樵偶挈兒輩觀漁近渚忽  
見巨艫中張蓋殊非尋常行色隱身菰蒲間  
竊矚而知之則敢以野服唐突舟次遂許落  
帆臨况荒丘薄醪菲羞備以村謳不誅其猥  
乃嘉其忱欣然舉白和氣如春坐間韓同樞  
會一佐以雅譔禮同家人濯沃良深重陽佳  
節奄成勝會為人間之奇遇曠世之盛事而  
况大難闊別之後乎鄉鄰駭矚徒御褫魄以  
為颯輪華蓋從天而下也此必有定數而人

不自知也吁亦異哉僅以一律用寓榮感之  
會

偶逐漁舸出水隈還瞻彩鷁上游來共驚異域三年  
面却把清江九日盃粟里黃花酬令節廣陵秋色在  
高臺人間奇遇知難再欲倩龍眠繪事才

附次韻

夾岸江楓映水隈廣陵秋色泛舟來忽逢雲吉山  
中老却把蒼然亭上盃松菊依然彭澤苑琴歌灑  
落建昌臺浮生猥被尊公許拙筆攀和媿不才

早春遣興

經年床席苦支離為借歸舫向斗湄  
深峽雪消孤嶼沒大江風定片帆遲  
蕭條世事干戈後歷落行藏老病時  
斷送餘生唯一壑草堂無恙壓雙池

其二

青山當屋水回村白日柴扉烏雀喧  
栽柳欲藏元亮徑種桃還擬武陵源  
春來未占新詩句病後仍停舊酒尊  
匣裡瑤徽音自闕峨洋千載共誰論

其三

落落枯筇出小林偶逢山客共幽尋  
釣絲烟艇春流漲細柳新蒲夜雨深  
歸去田園元夙計倘來軒冕豈

初心茫茫宇內知音絕塵土渾埋綠綺琴

陶居漫興

端居寂寂榻塵凝江霧蒼蒼氣鬱蒸下瀨孤舟驚電掣響空崩浪訝雷騰浮天龍岫遙疑障隔樹蟾輪翳似燈末路無人堪會意出雲清嘯憶孫登

其二

茅亭一架占東坡杖屨從容每自過怪鳥晝鳴山木靜平沙潮漲水雲多禪公有約分蒼菴俗駕無回到薜蘿回首日邊懷往昔乾坤蕭瑟謾長歌

其三

支頤終日倒烏紗  
舊恨新愁似亂麻  
未信生涯祿水  
石尚聞天地有干戈  
夢中豈悟身非蝶  
醒後方知影  
是蛇志士從來饒  
白髮鬢髭還媿髮  
邊華

許生廷爽家醉題

春轉江湖品彙  
蘇茅簷相對濁醪  
壺牛川晚曳斜陽  
色龍當晴開活畫  
畝志業文章還寂寞  
天時人事謾  
嗚呼極身物外真  
堪羨許掾全家道  
氣俱

呈

鳳林大君

來即貽憂去是恩  
旣披霜雪又逢春  
臨關不作鳴鷄



客入塞翻為擁傳人九死有知堪結草餘生無地不  
捐身秦裘謾說千金直一札昭回字字神

日本關伯為其先關伯家康初大剝於日光山  
遣使平幸成求 御筆且求我國文人詩章

命大提學李明漢先製七言律詩選詞臣九人和  
韻送之完城分沙石棲澤堂鶴谷東村北渚及  
余預焉汝省以宗伯叅之皆令諸臣手書彩牋  
上書日光淨界彰孝道場八字于絹以賜之

冥薦能令五蘊空寶坊新構壓蛟宮鴻規一代恢前  
觀象教千秋護大雄慧日轉輪沙界淨法雲垂地雨

蘇東坡集卷三  
花紅奎章昭揭人天境蓬海遙知覺路通

次天章韻謝枉訪

山樓半夜送君回樓外疎簾手自開遙望舂舟下急  
瀨空教明月滿高臺詩情錯莫難成語離思續紛獨  
舉杯徒倚危欄清不寐龍門爽氣渡江來

箭串橋上遲諸公俄報吏判坐政諸公亦皆有  
公事云馬上口占

立馬郊原首幾回江間斜日片帆開平橋影落溶溶  
水遙渚沙分曲曲臺自笑殘生同泛梗每將行色寄  
浮杯芭蕉啓事應無暇不是故人期不來

徐清風

貞履

來訪詩以謝之

清風太守駕扁舟為訪淮翁斗峽秋  
剝有黃花酬節序媿無白酒錯觥籌  
公才冲老千年調豪氣元龍百尺樓  
我亦尋真曾作客祗今吟望迥生愁

枕上口占寄天章兄弟

時藩使未素  
五臣方戒行

街漏丁東苦不晨雲庄歸思謾紛纒  
峨洋誰識千年調宇宙難容七尺身  
報客臯禽虛警夜當簷梅粉獨留春  
行箴終古關消長休道浮名解誤人

次直夫韻

扶病來栖寂冥濱薰爐經卷足  
頓神欲求天下不爭

物恰作世間無聞人鼎裡燒丹添水火籠中有藥覓  
君臣堪憐緒業今寥落慚媿平生負祈薪

其二

休言歸興此江濱養病如今學養神書到絕交方傲  
世詩題感遇不關人山中計活開新社天下安危憶  
老臣塞况垂簾聊自試秋毫那得較興薪

謝閔石城

晉亮

來訪

曾傳老子一封札忽枉郎君五馬蹄不必更論前歲  
事那知各保故山栖况將海味供甘旨絕勝天官管  
品題治行爾家為緒業仔聞濡澤洽貧黎

見冕時為吏部故三

之句及

贈別呂襄陽

甫微

之任

歷歷公區眼底青  
大堤形勝與君聽  
波春義相臺前  
日松護祥雲驛  
下亭天外白帆輕  
似葉閣中紅燭遠  
疑星清遊都付  
遨頭得皓首孤吟  
掩水高

寄疇翁

古鼎烟沈伏火紅  
蕭然趺坐謾書空  
無端世事干戈  
後不盡交期聚  
散中樓外雲山低  
晚照枕邊霜葉響  
西風故人顏面憑  
孤夢一札真堪慰  
病翁

送林東野宰南原

行藏似子亦殊倫十載風塵謾屈伸  
城市暫來官是累海山高卧懶為真  
天恩更借樓臺好春色還隨雨露  
新公吏即今成傲吏清朝拄笏足  
傾神

達城尉輓

倭指追隨五十春飲醇風味老彌真  
悲懼已矣唯肝胆來去徒然是屈伸  
灰冷藥爐誰改火鋪殘金埒却生塵  
極知此別無先後泉下何曾有主賓

贈李察訪

尚儉

赴祥雲

祥雲驛畔萬株松松外銀濤日夕春  
鬱島烟霞時自引永郎廷侶倘相逢  
十年塵土餘孤夢一望公區隔

幾重衰病由来無好句為君拈筆破疎慵

樂全堂集卷之三

樂全堂集卷之三

三



樂堂全集卷之四

詩

五言絕句

閑居雜詠

書巢

寥寥無一事密密掩精廬不作籛金計床頭有賜書

其二

池閣

小閣捲疎簾芙蓉新出水香風吹不休蘋末微波起

其三

柳橋

烟絲拂橋水日夕藏鶯梭綿蠻一春盡織得綠陰多

江行

夜雨連江白山嵐帶郭青歸潮方浩渺舟子正揚舠

感述

世事山頭雲人生草上露山雲淡復濃草露晞朝暮

崔國輔體

花覆玲瓏閣春深翡翠樓嬌娃眠不起鸚鵡瘦人愁

日夕

醉眠山日夕池塘生晚陰倦鳥歸飛急沈沈烟雨林

效崔國輔四時詞

春

簾掛蝦鬚細香燒鳳尾團梨花一株雪吹入玉欄干

其二

夏

燕乳雕梁畔蜂喧玉砌陰宜男新闢草刺繡倦停針

其三

秋

清霜凋錦樹新月映銀鈎悄悄人無跡紗窓螢火流

其四

冬

繡幕圍金屋龍涎繞象床籠中嬌鳥報微雪點梅粧

客中

峽中羈棲久春光又一年心隨湖水遠日夜共悠然

偶占

草色萋萋短禽聲滑滑新風光已如此愁殺未歸人

歧灘

山日淡無色湖光深更清漁人蓬底睡水鳥近船鳴

石門

水急山如走風狂帆若飛纜從鳳臺下已過石門歸

懸燈淵

淡靄連湖色驚濤破日光沙鷗避人影接翼數聲長

南二村

逝水去無已白雲湖上起棹歌夕陽中依依畫舫裡

李萬戶亭子

磴路懸蘿密巖亭雜樹青虛舟橫野渡羽族滿沙汀

平潭

山遠水流曠村深松籟寒歸雲擁茅屋砧響落風湍  
其二

村住千峯下湖吞百派懸盤渦與東峽辛苦送歸船  
橫城途中

久客東州路行裝朔鴈同萬山秋色裡匹馬夕陽中

江村

江郡依茅店人稀草覆堤孤舟橫古渡時有水禽啼

其二

日月浮雲蔽江湖風浪多沈吟郭門路斜日下平沙

其三

古渡少人跡春風吹草色夕陽虛巷中一犬吠行客

題盆梅

查老猶存骨花疎尚有香風流太似我宜置七松堂

春日飲北洞

岳勢參差見溪花次第開夕陽無限好徒倚洗心臺

其二

夕眺無何外微茫禁苑霞偶然成一醉不負滿城花

擬古怨詞

妾年才十四綠髮披兩肩從人學粧梳那知被人憐

其二

相逢白門路握手西筵宴含羞不舉頭何心敢自衛  
其三

繡帶合歡結錦衣連理文紗窓看夜月珠閣行朝雲  
其四

弱藕絲不斷丁香條自結微誓在衷襟保環不保珎  
其五

願為露下草莫作風前絮露草枯復榮絮飛還隨風  
其六

人言歡負情我恃歡多情一別不復見節序嗟屢更  
其七

花殘葉復綠，葉落霜雪零。抱琴坐遙夜，蓮漏還丁丁。

其八

問君遠行役，公路驟鸞去。蓬萊一萬重，弱水三千里。

其九

歡情一何薄，妾意一何多。日夕望終南，浩浩鷺梁河。

其十

棄擲鏡奩粧，辛苦執炊薪。朝從厨下走，暮宿廡邊塵。

修名不立老，至何遽次李子時韻

彼能徒劫劫，吾自任悠悠。榮辱且安命，不得謀蹇修。

其二



日馳不知止昧者唯貌榮滔滔塵世內誰能遺利名  
其三

處世苦無惊遠遊宣壹鬱之踏瑠璃光親者舍利弗  
其四

一聞鷄鳴鳴秋氣南澗集衆木色欲摧青松超獨立  
其五

白髮不曾饒顏色何由好且可任衰遲何須諱言老  
其六

天地亦有期浮生元是寄吾心苟不忤何可畏三至  
其七

淳風挽不回世道憂虞多中夜耿不寐彷徨無奈何  
其八

涼風日以颯東山且歸去欲驅少游馬不棄子產遷  
水雲亭  
青溪晚雨

向晚獨憑危青溪正當戶梨花陣陣風柳絮踈踈雨  
其二  
箭郊平蕪

春生沙苑外日落華陽道千群望似雲漠漠王孫草  
其三  
平沙行客

萋萋江上草蔓蔓江邊樹行人有底忙日暮沙平路  
望海寺

一宿歌絃剌星壇指點間江城著一帶海嶠露雙鬟  
黔庄松臺醉呼

醉卧松林下松露滴面醒醒來客散去獨對前山青  
江上送畸翁

送客此水湄回舟意未已明朝漢江隈聽雨篷窓裡

蒼然亭八詠

砥柱

群山去不盡二水還同流屹立千尋壁昂昂龍舉頭

其二

孤山

孤山捍上流絕岸還氣勢方識造化心却嫌滔滔逝

其三

爽然臺

厓傾元欲落巖盡疑無地披襟六月中左右清風至

其四

龍津縣

千里龍門山迥臨大野斷古縣挾江流并陌猶分豕

其五

孤雲臺

孤雲有荒臺丹釋餘古社一種千秋月冷然笙鶴下

其六

中隱洞

鬱鬱中隱洞差差開精廬尚有漢陰梅雪中跨蹇驢

其七

牛川

青巒簇似屏綠野平如掌烟火幾家村驅牛適泱泱

其八

月汀

騷翁昔登此日之彌月汀四時引清風令我醉還醒

感興

欹枕聽宵雨開窓看藕花愁紅浮漲綠一倍減鉉華

書扇頭貽克甫

克甫善歌

以君白雪調和我陽春曲滄海漉不流金剛屹如玉

庚辰立春醉吟

晚結粉榆社居然好事多樽中千日酒階上四時花

其二

塞外氛烟息山中樂事多留書興不盡扶醉看時花

曹秀民宋時擘載酒來別舟中書兩子扇頭

江闊鳥飛急山高日上遲倚舷沾客酒覓句挑霜鬚  
其二

江曙舟將發林暄客又來殷勤一尊酒沙際更遲回  
祇送東宮陪祀泉到蕩春臺

水石千秋色悲懼此日情沙頭數杯酒斜照半峯青  
次汾西韻

卧病忽經年誰歟開我襟君詩解相送慰此疢寒心  
七槐亭送汝萬赴居山驛贈紙衣

馬欲蕭蕭去人將落落歸關山白雪路贈爾一端衣  
書座上扇頭

松老月臨臺天清江接野為君把一杯冉冉秋雲下

時雨亭八詠

後山採薇

不甜世上味言採山中薇翠厓一雨過蛩蛩雙拳肥

其二

花下流觴

花下漾清流流觴上復下對此惜餘春不是迷花者

其三

三樹槐陰

古槐種有意今槐自生老何論意有無祇愛清陰好

其四

一池荷香

碧覆復紅翻天空一鏡淨時時送生香不獨色相暎

其五

東籬養菊

乾坤積霜露籬下花爭發物性有如此晚途不可忽

其六

南山聽松

鬱鬱南山陞秋濤半夜至阿誰聽此松耿耿清不寐

其七

擁爐燒栗

土爐熾拙楮一曲留陽春剝栗撥紅焰山資未足貧

其八

開門賞雪

夜響從嶺底蕭蕭集林端明朝忽開戶玉沼兼銀鬢

寄杞翁

病中作

一病經三節科頭坐似禪秋風忽以颯池柳響孤蟬

乘藁窩戲作

不敢駕輪結草如燕窩狀用扶擔行



積雪關河路行窩次第聯應知九霄上光動五星躔

病中述懷

結社終南下談詩復談理各賦五子編睥睨千古士

其二

先王忽棄代賢者隨迸竄全家泛一舸海天杳江漢

其三

奸鬼請廢毋小臣不敢從極遑草澤下中夜泣 宣

宗

其四

乾坤忽定位萬物俱昭蘇巖廊立稷契制度開唐虞

其五

鬱鬱溫祚國君臣期一死尺疏辨忠奸此心良無二

其六

時危善得禍世恭猶招謗歸歟江上樓扁以白雲榜

其七

遼山萬丈高遼水百丈深龍虎鬻我之天地照我心

其八

晚得燒身病資歸暖之兒室中無一物唯有樂齋詩

七言絕句

奉和 聖製

乙巳夏余在親家 宣賜法醞一樽腊脩海  
陸之珍副焉時村父及群從適會促開黃封  
則椒醪漱灑香冽騰嗅且見樽面 御筆題  
一絕句曰公厨雲液是耶非一斗傾來百感  
揮堪笑竹林賢七士樽前散髮對斜暉

膏藻昭回日星交炳相與榮觀吾母執俎刀治羞  
苟迎親賓列席舉觴則椒醪非真而乃苦茗  
水調酒氣者也始覺

宸翰所謂是耶非之旨也滿座大噱尤有以感激  
于中乃賡韻以進俄而黃封又至即秋露紅

也樽面更題一絕曰外面從來混是非世間  
多幻若為揮一壺換貯新秋露醉對終南日  
夕暉奉置几案酌至醉倒以卒此席真盛事  
也偶檢書簾見舊草遂輟泣以紀之云爾  
雲液寧論是與非九重新奉絲毫揮微臣報效知無  
地黃道長瞻日月暉

其二

醉中無是亦無非拜賜如今感淚揮縱使此身糜  
又粉難將寸草報春暉

禁直曉起

北斗闌干南斗低啼鳥初起鳳城栖  
鷄人報曉還應早曙色空濛落月西

至日賦得

微陽如縷地中藏破得窮陰日日長  
居士此時觀道妙翛然一榻事渾忘

其二

橐籥乾坤一氣周無端無始化機流  
畫前此理分明甚不待龍駒背上求

口呼

八疊屏風水墨畫輕簾窳地撼金鋪  
茂陵多病終年

臥夜夜懸燈對藥爐

即事

草暗閑篔簹柳暗堤小堂深掩繡簾低幽人解領春風  
意看盡階花次第齊

午眠

午眠纔罷鳥呼群金鴨爐中起寶薰畫閣寂寥春欲  
暮杏花微雨正紛紛

雨夕

深院無人鶯亂啼空庭陣陣芭蕉雨微風捲却水晶  
簾寂寞小屏香一炷

病眼謾吟

終日垂簾學坐忘却從暗處見天光  
茶爐藥鼎閑相伴風雪蕭蕭掩小堂

閑吟

鶯轉槐陰日正長倦眠冰簟午風涼  
門前俗客何曾到無數蒼苔上印牆

病懷

藥爐茶鼎伴寥寥戍削形骸不自聊  
倦倚屏山成張望綺窓南畔小梅嬌

志感

漢老沙翁次第亡風流先輩日荒涼堪憐後死懷長  
痛遠鶴冥冥海變桑

重陽

崩厓獨樹半凋霜野菊羅生亦自香悄悄離懷裁不  
得蕭蕭風雨又重陽

宮詞

五步池塘十步樓金輿分日作春遊千行粉黛迎  
翠辇特許昭容壓上頭

其二

中使朝朝魚鑰開御筵還壓瑞葱臺須臾天樂隨風



便知是三媛進餅來

其三

雙鶴翩躚步輦回春塘臺上綺筵開  
宮娃引出處容舞催賜纏頭金帛來

其四

閭闔初開日映墀  
別監催喪問安兒  
相公浣菜尚書麪  
須及宮中水刺時

其五

瑤函十襲紫絲籠  
云是成都新進封  
錯落明珠大如栗  
黑貂被上綉盤龍

其六

新製青羅十里帷圍遮外苑作宮墀紅粧直進龍牀  
下齊唱君王萬歲詞

其七

玉輦春遊慶德宮尚宮先入御門東松牌點檢題名  
處晚幸龍池合閣中

其八

使价新從上國還苞封日積殿中間爭如白玉龍樽  
刻羸得君王帶笑看

其九

日南初進小龍舟  
御沼春風日日浮  
宮女乍移蘭棹  
去蘋花折得隱  
仙洲

其十

蓬萊公子入丹墀  
拜獻真宮祝聖詞  
會散瓊樓留玉  
牒恰如王母宴瑤池

出塞曲

督府征奴擁六師  
收兵屬國羽書馳  
東民會是酬恩  
日西去遼陽死不辭

塞下曲

磧裡陰雲慘不舒  
將軍解甲拜穹廬  
可憐一介謀身

地三萬精兵盡化魚

滯春城送再明還始興

千重嶺出白雲端  
百里江回兩峽間  
莫道春城行路險  
青山盡處即長安

夜飲城南孰之景  
三仲淵善應林宗  
與焉夜闌酒酣  
林宗能為變徵音  
抱膝振響傍若無人  
滿座為之動色為賦  
一絕以紀勝集

急雨孤燈夜欲央  
悲歌一曲撼高堂  
千年此意誰能解  
始信人間俠骨香

秋夜

石池苔澁水螢飛  
半夜霜風撼小樓  
遠夢不成蓮漏  
永鴈聲和月起  
離愁

贈別再明

村居寥落等公家  
深巷無人白日斜  
欲刻青山作平地  
朝朝隻眼望京華

幽居

雨似暗潮微有響  
雲歸蒼壁淡無痕  
洞門寂寂蘿陰  
合山鳥安栖自不喧

送春

雨後林園樹影齊  
滿庭芳蕊摠成蹊  
嬌鶯亦解春歸

去却向幽人盡意啼

戲賦

金魄初昇玉露團  
隔簾歌吹不勝寒  
多情却是無情物  
何似襄王夢裡看

夜坐

嬰心百感日紛紜  
悄悄愁懷坐夜分  
微月乍沈靈籟動  
隔窓梧葉不堪聞

題鑑上人軸

城南廢宅鎖春風  
一炷名香對遠公  
欲問禪心精進處  
佛天光景本來空

孔巖待船

稅馬江頭坐小鞦旋教僮僕喚津船  
潮來漸覺沙痕沒向晚風波正拍天

黔庄雜詠

棲居斗絕勢崒嶢千里江山入望遙  
春盡鳳洲天一色卷雲奔浪認生潮

村庄曉思

星河落落映江關微月依依隱小山  
布穀數聲啼欲曉客窓殘夢帶愁還

夜吟

春雨冥冥客夢清  
旅齋寥落一燈明  
隔窓風打梨花  
樹殘月三更蜀魄聲

贈箕城小尹許若虛

實

箕都形勝似錢塘  
郭外明湖簇畫牆  
客散高樓歌吹  
闌夜深燈燭倚紅粧

陶齋

尹昕

用枝字韻疊至走謝

燕影差池日影遲  
望中烟景摠新詩  
明朝約伴酌佳  
節花下傳籌當幾枝

全州作

來時春早草微芽  
寒勒官梅未著花  
異地自憐為客



久夾道槐柳欲藏鴉

閑情

眼中人作夢中人夢裡幽期恰似真欲訴衷情增惋  
轉殘紅褪粉揔傷神

其二

蘭焚玉碎正堪傷惱得騷人一寸腸玉到碎時方有  
響蘭遭焚處便聞香

贈僧

冰簟繩床水檻東微涼時引芰荷風休言居士全無  
事僧軸詩成爛醉中

贈通上人

洛城春半杏花飛  
垂柳陰中獨掩扉  
釋子款門來乞  
句  
明朝却踏白雲歸

其二

機師天德已多年  
堅老休糧住白蓮  
分占山中清絕  
地  
薰爐花榻証金仙

其三

三藏老釋景清真  
知是禪家解脫人  
聞道移居百川  
洞  
山花山鳥一般春

其四

雲水庵中昔點茶  
四禪真影護青紗  
明燈清水長齋  
地萬朵芙蓉擁紫霞

席上口占留題龜川郊亭

花飛歷亂燕飛輕  
野色蒼然入望平  
歌管欲喧槐影  
轉半江烟雨數帆橫

題易安亭

浮沈薄宦去來中  
數畝林園一畝宮  
自是急流能勇  
退平生睡足北窓風

近臘日與天章道章飲

矮爐煖酒覺寒微  
昂坐吟詩唾屑飛  
林垞雪殘虛籟

發一眉新月下柴扉

從時翁所見飛字漫有拙效

端居寥落世緣微  
雨後苔痕欲上扉  
楊柳池塘春水滿  
獨憑高閣數花飛

其二

少日豪情老覺微  
春來歸夢在郊扉  
潮頭漁艇雙雙出  
沙暖群鴻兩兩飛

和觀海

陰陰高柳礙前山  
半露雲鬟水檻間  
宿醉未醒仍索酒  
世間誰與我爭閑

其二

平生夢想在東山白髮如何老此間早晚乞身雲壑  
裡藥爐經卷占長閑

次韻遣聊

小室清芬噴博山一春詩興醉醒間鶯慵燕老須臾  
事點草許花也不閑

綾原亭子

朝烟點綴自多姿全露螺鬟半露眉向晚長風吹捲  
盡滿簾佳氣碧參差

即景寄盍歸堂

辛夷初落小桃開  
杏臉梨粧次第催  
客意正迷寒食後  
滿江風雨獨登臺

夜雨醉吟

夜深燈火翳青缸  
酒後迎涼不閉窓  
池雨蕭蕭和夢聽  
却疑篷底睡秋江

贈宋寫官

昌言赴京

槎浮遠海轂馳燕  
萬里長程之下懸  
堪笑東淮老居士  
一窓吟病井蛙然

七月九日別疇翁于鷺津回後有感

小雨連江宿靄收  
忽忽離思解行舟  
終南清渭樽前

色楚竹湘蘭客裡秋

牛川打魚

黃昏約伴下牛川  
網底銀鱗潑刺然  
灘響漸高江月白  
滿天風露獨迴船

晚春偶吟

閑愁悄悄閉空堂  
荷雨霏霏一霎涼  
惆悵年華將晚晚  
黃鸝啼緩燕飛忙

其二

吟興闌珊酒興孤  
尊罍顛倒硯池枯  
荷風拂檻槐陰合  
睡思朦朧到日晡

送韓亨甫宰呂州

家山松栢廣陵東  
水接黃驢一派通  
待得深秋月明  
夜鳴榔灘上  
瘦顛翁

與諸學士飲南宮

爛醉歸來漏欲殘  
滿衣涼露透肌寒  
天街十二清如水  
月下南山立馬看

寄南坡

蒲芽出水燕初飛  
小閣薰爐息世機  
政憶江關春事  
晚落花深處  
不開扉

其二



入簷斜雨亂沾衣  
漱灑流霞盞面肥  
九十春光留幾  
許桃花欲綻杏花飛

贈性淨

上院深秋萬葉寒  
生涯蕭瑟一蒲團  
金剛淵裡清秋月  
面壁觀心不下壇

杞泉宅賦得

深院寥寥繡幕低  
雜花零落草新齊  
雲鬟一抹傷春  
恨畫閣前頭乳燕棲

寄羅夢賚

萬甲

橋頭楊柳畫闌門  
曲沼波光過雨痕  
睡起尊前春事

晚落花啼鳥正銷魂

寄語用拙以替言面

老尉如今百不能暮歸猶得喚胡鷹憑君乞得陰山  
種雪裡披裘出廣陵

次清陰清平錄韻

八山

憶昔清平策杖迴夕陽鐘散雨花臺山分鐵峽千重  
出水自楸池一派來

其二

息庵

源頭活水十分清幻影澄澄一鑑明當日游蹤渾似  
夢白頭蕭瑟媿簪纓

其三

舟行

江門雨歇水生衣  
落盡桃花錦鯁肥  
會散昭陽春事晚  
青山繚繞片帆歸

贈金陵使君

潮急風生一葉浮  
海門初日霽烟收  
人生合在安流地  
莫上金陵十月舟

雪後

梅溪竹塢都埋沒  
叢桂穉松亦擅竒  
斷送今年無一白  
朝來見雪始吟詩

其二

蕭條雪屋朝慵起紙帳矮爐卧自竒一自東州出鎮  
後叩門無復和來詩

次清陰韻

當簷瓊宙太竒裁小屋簾攏盡日開景愛垞西千尺  
翠夜來風雪不低摧

次韻

尹公新滄海亭韻

江水無風鏡樣平僑居枕簟屬秋晴五更殘月高樓  
夢驚破長空一鴈聲

金化東軒次清陰韻

林雨霏霏燭影低倦來欹枕小軒西秋深峽裡涼宵

永唯看寒螿伴客啼

狗峴贈擔輿僧無一

嶺路迢迢十里遙擔輿半日下危橋山開一面高城  
郡滄海茫茫漲碧霄

鏡湖上金氏草堂用申企齋韻

主人名忠愍其子志穎

湖上微茫啓竹扉夜深風露濕征衣海天一萬里無何  
外松下翛然一遂歸

原城逢梁營將信容

邂逅原城逆旅中各驚衰白已成翁人間萬事宜隨  
分莫恨風塵跡似蓬

賦得山海遊歷會心處十絕

七點星峯羅海口  
崢嶸直對郡城樓  
應知造物爐錘巧  
破碎金剛障海流

其二

天晴海惡偏堪懼  
雨後長鯨鬪更新  
萬里洶洶驅大勢  
雪山銀屋簸坤垠

其三

鄭汭亭子世間無  
妙筆龍眠未必留  
笑殺知章湖一半  
祇今千載擅三吳

其四

洛寺曾留癖上奇丹丘草聖石川詩故將劫火成灰  
燼造物機心亦可疑

其五

五臺元是五拳堆磅礴天東地軸迴面面蓮花千世  
界頭頭金粟萬如來

其六

一勺于同色湛然何如公掌露華圓陸生千古輕題  
品不識人間第一泉

其七

十疊屏風半壁開龍拏虎攫氣雄哉分明景泰年中

蘇東坡集卷四  
三十四  
作知是清之手寫來

其八

澄湖千頃白雲流  
公客高臺在上頭  
清淨自然塵外  
界却疑身是永郎儔

其九

祥雲驛畔幾株松  
赤甲蒼髯翠萬重  
海濤天風自成  
籟安期笙鶴倘相逢

其十

觀瀾亭下駐征輶  
誰遣瑤琴慰客遊  
莫怪少年今白  
髮潘郎廿載抱閑愁



寒食有感

亂餘村落盡成灰  
宰樹淒風響自哀  
冷節一盃香一炷  
墓門斜日獨徘徊

廣陵舟中

蒼然亭畔解行舟  
百里長江一瞥流  
醉倚篷窓驚颯爽  
廣陵飛雨過揚州

丁丑十一月二十六日携景岳二兒出城渡廣

津口占

是日龍馬兩將入城有郊迎之禮云

暖帽重裘匹馬還  
華陽雪盡野如彎  
兒童遙指粉榆社  
一點孤山二水間

其二

西街車馬漲紅塵  
東出都門到廣津  
多病暫辭城市  
累傍人錯道掛冠人

詠隨身物

初衣獲返廣陵居  
收拾行裝不滿驢  
習氣平生猶未  
了手携韓柳二家書

韓柳集

其二

詩書之厄甚於秦  
君賜家傳盡化塵  
賴有堯夫全集  
在老來觀物且觀身

康節集

其三

雪樓遺集紙如雲燕市購來十襲芸亂後壁完唯此  
物定知神鬼護奇文

其四

窮村蝸室不施帷紙作屏風拙筆宜從古文章何限  
好會心唯有去來辭

素屏風

其五

半生隨我與興居伸屈之形鶴膝如世上煩囂都不  
管暖風晴日夢華胥

木枕

其六

光山蓑笠大如盤換得金簪一品冠堪笑此翁緣底

事白頭江上老漁竿

蓑笠

其七

一枝烏竹自湖中扶得東淮白髮翁  
村北村南隨意去江山勝處領春風

其八

寒食風前穀雨餘磨腮魚隊上灘初  
乘時盡物非吾意故使兒童結網疎

次曷韻

牧翁曾誦李間閒晚歲詩吟不自刪  
世亂却思當日事行裝長在死生間

與建中舟中別

江頭掛網細傳盃楮島晴波鏡面開  
試向蒼然亭子望一間茅屋白雲隈

次曷韻

山紅褪盡草青青江雨初晴坐小亭  
禽語乍闌微睡罷土堦斜日落殘羹

與楓岳山人雙仵伴宿江閣曉吟

江雲一片宿蒼端缺月空濛曉氣寒  
虛閣夢回歌枕聽隔林清籟落風湍

次靈悟軸韻

亂後無心辦勝遊  
白頭蕭瑟又新秋  
東淮一曲茅茨  
小兩峽中間二水流

東子容

疇翁南去擘翁西  
洪子沈痾坐似泥  
當日棊尊真樂  
事祗今蕭瑟掩山巖

德淵舟中

松臺客散日西斜  
水拍苔磯柳拂沙  
峽裡纔經三日  
雨滿山都是欲開花

書汝萬扇頭

漠漠江村欲雨天  
分携獨上泝流船  
明朝一掩柴門

卧萬丈紅塵隔杳然

戲呈杞泉

簾幕深深燭影低  
鬱金香裡畫眉齊  
無情却被多情  
惱戶外流鶯恰恰啼

錄奉畸翁

深深院落雨晴初  
烏几匡床卧自如  
夢裡却尋芳草  
路病來偏憶白雲居

宿陽川客舍

江門初日蘸明霞  
潮退風生浪欲花  
官閣夢回秋籟  
爽却疑身在水仙家

酬汝萬

連宵秋雨沒汀沙  
無數商帆過峽斜  
湖日欲沈灘響  
急渚禽聯翼下蘆花

次天章韻

山頭寒日下江門  
葉盡疎林見小村  
蒼隼在前黃犬  
後平沙十里廣陵原

其二

峽中民物似秦餘  
歲暮歸來結社初  
京洛路迷千嶂  
雪土爐茶火掩齋居

廣陵舟中逢聽琴亭主人和九峯詩



點點雲山面面堆小崢嶸處數椽開訥翁詩攬三江  
色于勒琴傳萬古臺

其二

飛鷺浴鳧自朝暮浮雲流水還今古舟中細和九峯  
詩把酒洗吟江日午

次李一相韻

老子歌吟秋色裡客行鞍馬酒盃中重陽纔過黃花  
在百尺高臺落帽風

謝朴尚之寄訊

選

携琴伴鶴送生涯畫掩江扉白日遲滿地蘼蕪烟雨

細故人書札慰相思

贈李襄陽 時措

余於辛未秋遍遊溟嶽條已閱十寒暑而夢  
魂往來憧憧逢人出關便覺神馳李子範學  
士守峴山過余淮上遂以四詠充別語又將  
兩絕一以寄意一以自嘲

曾曰休沐踏關東海上奇觀大抵同最是洛迦峯寺  
曉六龍擎出一輪紅

洛山寺

其二

棲成延祐甲辰年壁上題詩認昔賢君去登臨應細

和時憑雙鯉寄新篇

太平樓

其三

亭臺無處不如畫特地觀瀾倚碧虛十里長川流入海  
兩三漁屋隔林居

觀瀾亭

其四

祥雲驛畔萬株松松外滄溟浪作峯醉倚松根明月夜  
蓬萊笙鶴倘相逢

祥雲亭

其五

學士如今又一麾何須不醉習家池大堤南畔笙歌  
相應有攔街拍手兒

其六

風流當日未全疎  
醒處吟詩醉後書  
一股瑤簪謾留  
跡  
韋娘今已不勝梳

次金道源扇頭韻

吏部清詩爽類牙  
數回吟罷醉眸斜  
分舟作別還堪  
畫  
十里晴波蘸夕霞

隋城路上口占

草沒平疇水亂流  
蕭條村落不宜秋  
亂餘舊跡無尋  
處  
石佛依然路上頭

贈德隆上人

湖天霜落柿林紅  
客路秋光鴈下空  
廢院孤吟斜照裡  
斷橋僧影畫畚中

伊山館次思庵韻

一年秋色路歧間  
處處烟霞慰客顏  
縣閣日斜高枕卧  
短牆脩竹露青山

怡老堂夜酌

客懷牢落把深盃  
簾外輕寒陣陣來  
一曲瑤琴彈別恨  
玉繩移影燭成堆

渡江口呼

松鶻山高鴨水深  
塞垣蒼靄曉沈沈  
天東初日晴無

翳來照孤臣一片心

舟入斗津

臘月行人四月歸江流無恙白鷗飛從今更約漁樵  
伴和雨和烟上釣磯

偶吟

破露披雲片月懸林端水色淡秋天連宵風雨渾無  
迹丈室還如一葉船

松臺主人崔忠一七十餘歲康強無恙一日教  
鄉里兒讀書忽躓躓不能語遂卒其人沈厚寡  
言笑鄉里稱孝義平生漁釣躬耕以養母母死

不復為漁安貧自適晚遇余契甚善食酒能盡  
一斗不亂蓋隱遯者流也手植數松於臺邊故  
云

平居孝義化鄉隣漁釣生涯七十春太史若編高士  
傳清風不媿耦耕人

其二

晚向江湖共卜鄰幾番尊酒草堂春明年冰泮觀魚  
處座上傳盃少一人

宿水鐘歸路觀鷹

鐘殘飯罷下山門驢背吟鞭過別村習氣平生猶未

已廣陵初雪獵平原

晚坐口呼

孤燈耿耿伴羈魂  
遠遠鷄聲起別村  
試拓東窓看夜色  
曉山如夢月留痕

夜吟

涼生虛閣碧梧秋  
一鴈冥冥喚客愁  
藤簟竹床清不寐  
滿天星斗大江流

天章席上和韻

每對村農較雨晴  
欲將耕釣送餘生  
秋風杖屨苔磯畔  
蘆鴈沙鷗也不驚



舟下廣陵望京城

雪落江寒動晚橈  
軟輿扶病望華譙  
老夫身世真堪  
說半是山林半市朝

見月次湯站清陰韻

江梅山雪歲將殘  
尚記前年出塞寒  
惆悵同行不同  
返今宵明月共誰看

漫吟

茅亭一架小於舟  
客子來憑九月秋  
醉眼矍矍江日  
曉遠山如黛水如油


偶吟


一日中分睡味多山窓不覺夕陽斜  
溪雲忽起江聲  
瀟雨打庭前  
蒼苔花

感吟

病中衰淚自無從消息西來斗膽春萬折必東當日  
事祇今誰復泣神宗

樂全堂集卷之四





卷之五

五